

Inatsisartut suleriaasianni § 37, imm. 1 naapertorlugu, matumuuna Naalakkersuisunut imaattunik apeqquteqarpunga:

Naalakkersuisunut apeqqutit:

1. **Sooq innuttaasut 25.000 koruuninik akiliilluni sanaartornermut atortut qinnutigisinnaanngilaat, naak tamanna Inatsisartut inatsisaatsigut aalajangerneqaraluatoq?**
2. **Sanaartornermi atortut 25.000 koruunit sinnerlugit akeqartut piviusunngortinnissaannut suut amigaataappat?**
3. **Inatsit atuutilersinniarlugu Naalakkersuisut qanoq iliuuseqarsimappat, qanorlu siuarsimatigaat?**
4. **Qaqugu innuttaasut periarfissaq tamanna atorluarsinnaaneraat Naalakkersuisut naatsorsuutigaat?**
5. **Kommunit ilaat inatsisinik taakkuninnga malinninniarnatik aalajangersimappat, taamaappat kommunit sorliit aamma sooq?**

(Inatsisartunut ilaasortaq Jens NapâtôK', Naleraq)

Tunngavilersuutit:

Inatsisit Inatsisartunit akuerineqartut, innuttaasut 25.000 koruuninik akiliillutik sanaartornermut atortut qinnutigisinnaasaat, Naalakkersuisut sulit atuutilersinnginnerat isornartorsiorneqartariaqarpoq.

Aaqqissuussineq tamanna pingaartumik nunaqarfinni isorliunerusunilu innuttaasunut pingaaruteqarpoq, taakkunani namminneq inissaqarnissamut allanik periarfissaqanngimmat, aamma aningaaserivinni taarsigassarsisoqarsinnaannginnera inissianillu attartortoqarsinnaannginnera pissutigalugit innuttaasut piaartumik namminneq inissaqarnissaannut periarfissinneqarnissaat pisariaqarlunnarpoq.

Naalakkersuisut nalunaarutip amigaatigisap suliarinissaanut kaajallaasitallu atuutilernissaannut piffissaqarluarsimagaluarput, suliarli pisariaqanngitsumik sivilisuumik ingerlavoq – ersarissumik nassuiaatitaqarani, ersarissumik paasissutissiisoqarani inuillu imminnut ilaquuttaminnillu inissaqarnissamut periarfissaq tamanna pisariaqartikkaat eqqarsaatigineqanngillat. Kigaallanneq tamanna allaffissornikkut ajornartorsiutaannaanngilaq – inuiaqatigiinni akisussaassuseqanngitsuliorneruvoq illoqarfiillu nunaqarfiillu akornanni naligiinnginneq isornartorsiorneqangaareersoq sulit ajornerulersissinnaavaa.

Naalakkersuisut ingerlaannaq nassuiaasariaqarput sooq inatsit tamakkiisumik atuutitinneqannginnersoq, aamma innuttaasut pisinnaatitaaffimmik atuinissaannut suut akornutaanersut. „Aalajangiineq iliuuseqarnissamut sapaatip-akunneri, qaammatillu arlallit ingerlareersinnaanngillat – ingammik apeqqut tunngaviusoq, soorlu Kalaallit Nunaata isorliunerusuni inissaqartitsineq, eqqarsaatigalugu.“

Isorliunerusuni amerlasuuni aningaaserivinni aningaasalerneqarsinnaaneq ajorpoq, namminersortunik attartortitsisoqanngilaq, kommunillu inissiaataat killeqarlutillu amigaataapput, namminersortullu inissiaataat attartortittakkat ikittuinnaapput. Isorliunerusut tamatumunnga tunngatillugu puigorneqarlutillu sumiginnaarneqarput. Ilaqutariippassuarnut inissiat attartortittakkat aaqqiissutissatuaapput piviusorsioertut – inatsilli sulit atuutilersinneqarsimanngilaq, tamannalu innuttaasunut periarfissamik tamatumunnga utaqqisunut sumiginnaanervuq annertoq.

Issittumi najugaqarpugut, taamaattumik piffissaq nukinginnarpoq. Aasaq sivikittarpoq ukiorlu takisarluni, taarlunilu issittarluni. Tassa qaammatialuit tulluuttut ingerlaneranni innuttaasut sanaartornermut atortunik pissarsisinnaanngikkunik, ukioq manna silaannaap sanaartornissamut periarfissaqarluartup ataani illuliorsinnaassanngillat.

Taamaattumik Naalakkersuisut immikkut ittumik suliniuteqartariaqarput, qinnuteqaatit tunniunneqartarnerat aningaasaliissutillu ingerlaannaq tunniunneqartarnissaat qulakkeerniarlugu. Inatsisit akuerineqarsimasut iliuuseqarfigineqannginnissaat akuerineqarsinnaanngilaq – ingammik ilaqutariit ukiumi allami inissaaleqqilerpata.

Apeqqutigineqartut ullut suliffiusut qulit (10) iluanni allakkatigut akineqareersimanissaat piumasarineqarpoq. Oqaatsinik nutserisimanermit paatsuungasoqassatillugu kalaallisut allassimasoq aallaavigineqassaaq.